

STRUKTURA LATENTNIH HISTORIČKIH OPREDELJENOSTI
RUKOMETASA

Uvodno slovo

Poštovani čitaoci, psihološka karakteristike, rukometasli, identna struktura, izložna faktorska situaciona motorika, različna interakcija, varijabilne, varijabilne faktore

Drago nam je da vam upravo ovih dana možemo prezentirati prvi broj nastavno-naučnog časopisa «*SPORT U NAUCI I PRAKSI*» čiji je izdavač Fakultet za tjelesni odgoj i sport u Tuzli.

Tjelesni odgoj i sport je idealno područje za saradnju, zbližavanje i produbljivanje prijateljstva među stručnjacima, naučnim radnicima, ali i među svima onima kojima je sport blizak u svakodnevnom životu ili sportskoj karijeri.

Okruženje u kojem živi naša institucija traži da se osim fundamentalnih objavljuju i primijenjena i razvojna istraživanja. U ovom časopisu će se, osim temeljnih, primijenjenih i razvojnih istraživanja, publicirati i stručni radovi visoke praktične primjenljivosti. Nije nam namjera niti želja da impresioniramo svojim uspjesima, nego da otvorimo vrata inventivnosti i stvaralaštva u oblasti tjelesnog odgoja i sporta, te promoviramo naučne orijentacije i praktičan rad u ovom području. Veoma je važno potaknuti naučno-nastavne radnike i ostale saradnike na smišljeni i organizirani rad u pravcu unapređenja postojećih znanja i njihove djelotvorne usporedbe s osobnim znanstvenim stavom. Iznad svega je važno stvaranje pozitivnog odnosa prema novim idejama i njihovom ostvarenju. Potrebno nam je kreativno mišljenje utemeljeno na spoznaji vlastitih stvaralačkih i takmičarskih sposobnosti, ali otvoreno prema svijetu znanosti i podložno promjeni. Znanje, sposobnost, samopouzdanje i iznad svega inicijativa mogu nas osloboditi svake vrste siromaštva i uvesti u razvijenu Europu.

Rečeno upućuje na zaključak da nam sve to neće biti lahko postići. Stoga očekujemo podršku i uključivanje širokog kruga saradnika u daljem profiliranju časopisa u pravcu unaprijeđivanja naučne i stručne misli u našem području djelovanja.

Dekan Fakulteta za tjelesni odgoj i sport
Dr. sci. Ferhat Nožinović, red. Prof.